



PARAU FA'ARARA'A NĀ TE MAU VE'A #27

'Ua fa'arahihia te mau hi'opo'ara'a mai tei fa'arahia atu na. 213 hi'opo'ara'a tei ravehia i te mahana maa e te tapati. Hō'ē ta'ata ma'i āpi tei tapea i te fare ma'i. No te ara mai teie ta'ata. I roto noa i te area no na mahana e toru i māiri ae nei, 310 hi'opo'ara'a tei ravehia. E nehenehe ia e parau e, mai te omuara'a o teie ma'i, 1551 hi'opo'ara'a tei ravehia. Te titauhia nei tatou ia vai ara noa ma te fa'atura i te mau fa'auera'a no te pārorura'a ia tatou e tae noa atu i te fa'aeara'a i te fare.

Te mau numera 'i teie mahana

Taatoara'a o te mau ta'ata tei ma'i hia i te COVID-19

56

Rahira'a ta'ata tei ma'i hia i te COVID-19 e o tei tapea hia i te fare ma'i

- no teie taimē

1

- mai te ha'amatarā'a no teie ma'i

4


Rahira'a ta'ata tei rapa'āu hia i roto i te piha rapa'āura'a ma'i fifi

1

Rahira'a ta'ata tei fa'aru'e mai no te ma'i COVID-19

0

Fig. 2. Te mau ma'i i Tahiti e i Moorea, i te ahuru ma hitu nō eperera 2020



No roto mai : Piha hi'opo'ara'a i te mau ma'i, Faaterera'a nui no te ea

Te 'oeha āpi no nia i te ma'i :

I nia i te 'oeha āpi no nia i te tupura'a o teie ma'i i te fenua nei, ua papu i teie mahana, e 19 ta'ata aita tō ratou e mau tapa'o no teie ma'i Covid-19, e ua horoahia tā ratou parau ha'apapura'a, e aita atoa ratou e fa'ahepo fa'ahouhia i te vai opaniopani noa i te fare. 56 ta'ata o tei ro'ohia i teie ma'i mai te omuara'a o tōna pārorera'a i te fenua nei. 37 atura ia ta'ata e vai noa nei e teie ma'i. E horoahia ā te mau parau fa'atia no te faorera'a i te vaj opanipanira'a i te fare i teie hepetoma nei.

Te ha'amamara'a i te mau opanipanira'a i te fare : te mau ha'apapura'a

Te faotira'a i te ha'amamara'a i te mau opanipanira'a i te fare nō te ta'a motu noa ia.

Area i Nia Matai nei, e ha'amamahia ia tera fa'aotira'a no te feia rave 'ohipa no roto i te mau taiete patura'a fare.

Rahira'a ta'ata tei ma'i hia i te COVID-19 'i Pōrīnetia farāni nei mai te omuara'a ma'i

Fig. 1. Rahira'a ta'ata tei ma'i hia i te COVID-19 'i Pōrīnetia farāni nei mai te omuara'a ma'i



No roto mai : Piha hi'opo'ara'a i te mau ma'i, Faaterera'a nui no te ea



E mea titauhia ra no te ta'atoara'a ia fa'atura i te mau faotira'a no te pānurura'a i teie ma'i e tae noa atu i te fa'aturara'a i te tere ra'a i te po.

Te ani haehaahia atu nei i te huirā'atira ia pānuru ia ratou e ia tamau i te mau pānuru vaha.

Te tere manureva ta'a'e (Continuité territoriale) : tauihāa utuutura'a ma'i e ta'ata ma'i i fa'arevāhia.

E fa'arue atu te piti o te manureva ta'a'e i te 'oire no Paris i teie mahana toru. I nia i teie manureva, te vai ra te mau tauihāa utuutura'a ma'i, e 30 ta'ata ma'i e ho'i maira i te fenua nei e tō ratou mau ape'e. E nehenehe teie nūmera e tauī, inaha hou ratou a reva ai, e hi'opo'ahia ratou. Ia tae maira i Tahiti nei, e fa'ahēpohia ratou ia fa'aea i roto i te tahi mau fare a te Hau Fenua no te hō'ē ma'orora'a e 21 mahana. Ua fa'arii ratou i teie faa'aura'a e o tā ratou i tu'u rima.

Te parau no te ati pohe : te tauīuira'a o te fa'aturera'a

E tauī roa te orara'a o te mau huirā'atira nō te fenua nā roto i teie ma'i pe'e, na reira atoa no te parau o te ati pohe. Tae mai i teie mahana, aore ā ta'ata ma'i Covid-19 i fa'arue i te fenua nei. Ua rave ra te mau tia mana o te fenua i te tahi fa'aturera'a ia tupu noa mai te tahi ati pohe na roto i teie ma'i Covid-19.

Ua ha'amana te Apoorā'a Rahi no Porīnetia farani i te faotira'a mana ma te tapura i te ma'i tiro tiro SARS-Cov-2 (Covid-19) e ma'i pe'e, e ma te ha'apapu i te mau arataira'a no te feia e fa'arue mai na roto i teie ma'i pe'e. Na roto i teie irava ture, e opanihia te mau rapa'aura'a o te tino e te opanira'a i te utara'a i teie tino i pohe mai te peu aita ona i tu'uhia i roto i te afata. Te feia pohe na roto i te hō'ē ma'i ē atu i te Covid-19, e anihia i te feti'i ia fa'atura i te mau faotira'a no te feia e opanipanihia nei i te fare.

'Ua ineine roa te Fare Ma'i no Taaone i te fa'aruru i te ma'i Covid-19

'Ua riro te Fare Ma'i no Taaone ei hiora'a no te pae no te utuutura'a ma'i i te fenua nei. Mai te omuara'a o teie fifi ma'i Covid-19, 'ua amui te ta'atoara'a o tāna mau pūpu 'ohipa no te ha'amaura'a i te fa'anahora'a pānuru huirā'atira i mua i teie ma'i pānuru ma te tāhoe i tāna 'ohipa, e te pū e ti'a'au i te mau fifi no te Covid-19.

No te mau rapa'aura'a i te feia ma'i e ere i te mea fifi roa : 12 ro'i tei fa'ata'ahia no teie feia ma'i o te Covid-19. E nehenehe teie nūmera i te ha'amarahia i nia i te faito 100 ro'i.

No te mau rapa'aura'a i te feia ma'i huru fifi : no teie feia ma'i, e titauhia te mau matini no te fa'aohiera'a i te hutira'a aho. 'Ua fa'anahohia no ratou 40 ro'i no te rapa'aura'a ia ratou. 'Ua tāta'ipiti te rahi ra'a ro'i ia faauhia i te nūmera o tei matauhia (18 ro'i).

Ma te turuhia e te Pū no te fenua nei e ti'a'au i te parau no teie fifi ma'i Covid-19, 'ua ineine roa te Fare M'ai no Taaone i te fa'anaho 20 ro'i hau no te feia ma'i fifi. Ia amuihia te ta'atoara'a, 60 ia ro'i tei fa'aineinehia. 'Ua poro'ihia te tahi mau matini no te hutira'a aho, o tei poro'ihia i te fenua Farāni e te Fenua Taina.

A ta'a noa atu teie mau fanahonahora'a āpi, te tamau nei te mau pūpu rave 'ohipa a te Fare Ma'i i te fa'ari'i i te feia tau roa ma te ani ia ratou ia haere mai e farerei i tō ratou mau taote ma te tamau atoa i te rave i tā ratou mau ra'au i fa'a'auhia.



Orara'a autahi : te ha'api'ira'a i te mau matahiapo i te horoi i te rima

'Ua fa'atupu te mau tia no te pū e ti'a'au no te fifi o te ma'i Covid-19, i teie monire, te hō'ē ha'api'ira'a matamua i te mau matahiapo ma te turuhia e te feia aau tae. Na teie mau ta'ata tauturu e fa'anaho i te tahi mau farereira'a tāmau i teie mau matahiapo.

I roto noa ā o te orara'a autahi, 'ua fa'ata'ahia te tahi pūpu ta'ata no te pae utuutura'a ma'i o te tere nei i roto i te mau fare toa ma te ani i tō ratou mau fatu ia fa'aturahia te parau no te pārorura'a i te mau hoani.

Ua piāhia i roto i te vea « La Dépêche » no teie monire, e 2 na āpi na te Fa'aterera'a o te Ea no nia i te horo'i ra'a i te rima. E pia ā te vea « La Dépêche » i te tahi atu mau fa'auera'a no te pārorura'a ia tatou.

TE PORO'I NŌ TEIE MAHANA

**Te ha'amamara'a i te mau fa'aotira'a no
te fa'aea i te fare i roto i te mau ta'a
motu**

**A ara : tamau ā i te fa'aohipa i te mau
ravea pāroruru**

MĀURUURU E FA'AITOITO